

復元通氣散

諸氣澁閉耳聾耳痛腹癰便毒無頭腫毒婦人

青皮

陳皮

各四兩

甘草

三兩半生半熟

穿山甲

瓜蒌仁

各二兩

金銀花

連翹

各一兩

末之每二錢酒下無頭津液調塗此方活血止痛

消腫

酒製大黃散

婦人七十形實性急好酒生腦疽五日脉緊急而澁急用大黃酒浸紙裹煨切細拌炒爲末再以酒



拌炒熟用人參加薑煎調服一錢兩時刻再進一服睡少頃有汗覺來病已去矣

消毒散

年七十生項疽脉實而稍大因憂悶生熱所致作太陽經療之

歸頭

熟地

酒洗

黃芩

酒炒

黃連

酒洗

各一錢

黃栢

酒洗

黃芪

羌活

桔梗

人參

生地

陳皮

防己

防風

澤瀉

甘草

連翹

水二鍾煎服



丁附五香湯

一人年七十冬至後生腦疽腫痛面大醫士候瘡
熟針出膿因怒笞侍妾瘡輒內陷凹一韭葉許面
色青黃不澤四肢逆冷汗出身涼嘔吐脉極沉細
而遲蓋衰老嚴寒時病苦楚飲食淡薄瘦瘁加怒
精神損耗故此有寒變也病與時同乃製五香湯
一劑加丁香附子五錢瘡後大發隨症調治而安
內經言凡治病察其下謂察時下之宜也

托裏溫經湯

寒覆皮毛鬱遏經絡熱伏榮中聚爲赤腫痛不可

忍惡寒發熱四肢疼痛

麻黃

四兩

防風

升麻

葛根

各三錢

白芷

當歸

蒼朮

各三錢

人參

白芍藥

各二錢

甘草

二錢

柴胡

一錢

陳皮

右十二味每一兩水二碗先煎麻黃湯去沫方下

餘藥煎至八分溫服卧煖處綿衣覆之得汗而散

內經云冬月閉藏用藥多而少鍼石宜以苦溫之

劑溫經散寒為要而腠理當以苦散之但辛發散

之用麻黃苦溫發之為君防風辛溫散之升麻苦

平葛根甘平解肌出汗專治陽明經邪為臣血留



不行則痛以白芷辛溫當歸身和血散滯溫熱腫
則蒼朮苦甘溫行經壯力能泄膚腠間濕熱人參
甘草甘溫白芍酸寒調中益氣使托裏爲佐以衣
覆首厚被蓋身卧煖處使經絡血溫腠理開寒邪
散陽氣升汗出腫減八九第二服去麻黃防風加
連翹粘子腫毒悉去內經云汗之則瘡已信然
內托榮衛湯

黃芪 五錢

防風

連翹

柴胡 各二錢

羌活

甘草

黃芩

人參

蒼朮 各一錢

當歸 一錢五分

桂枝 八分

紅花 二錢

右十二味剉分二服水酒各二盞煎八分溫服內
經曰天空西北左寒而右涼地不滿東南右溫而
左濕東南方陽也陽精降於下故右熱而左濕西
北方陰也陰精奉於上故左寒而右涼適寒涼者
脹之而濕熱者瘡下之則脹已汗之則瘡已夫東
南二方在人則丙小腸熱甲膽風皆俱下性炎上
其瘡外有六經形症內無便溺阻隔飲食如故小
便自調知不在裏非疽也癰癤小爲癰大爲癰其
邪受風濕地氣自外而來侵內經云榮氣不足逆
於肉理乃生癰腫諸瘡痛痒皆屬心火此瘡自外

而入是丙小腸左遷入膽作痛而非痒此二方皆
主血爲病必痛此元氣不足榮氣逆行其初出未
有傳變在於肌肉之上皮膚之間只於風熱六經
所行經絡地分出也宜瀉風濕熱醫者只知陰覆
其陽則宜汗此宜汗者乃濕熱鬱手足少陽致血
脉凝逆榮衛不能週身元氣消弱也其風濕熱滯
於下故面赤腫微黯風水惟上衝顏色多怒其瘡
色腫微黯瘡熱高起結硬作痛其脉止在左手右
屬表左寸外洪緩而陰是客邪在血脉之上皮膚
之間宜急發汗通榮衛則邪去矣以內托榮衛湯

發之

癰疽夜卧不睡名安神散

辰砂

乳香各一錢人參

酸棗仁

各五分

末之棗肉丸人參湯下

柞木飲

發背癰疽未成者已成者並收奇功

乾柞木葉

四兩

萱草根

五錢

甘草節

金銀花

乾荷葉蒂

地榆

各一兩

右爲末每五錢水二鍾煎八分作二次早晚各進

一服粗再煎



青金膏

走馬牙疳蝕損腐爛

乳香

信

輕粉

各一錢

青黛

二錢

右爲末油調新筆付紙上陰乾每用少許

放患處

乳香草撥散

牙疼槽風

天麻

防風

草烏

草撥

細辛

乳香

川芎

硼砂

射香

薄荷

右爲末每次口噙溫水嗽之鼻內吹之

梅瘡久發風癰成瘡經年不痊

防風 五錢

大黃 一兩

黃連 五錢

黃芩 五錢

連翹 五錢

梔子 五錢

蛇床子 一兩

枸杞 五錢

白蒺藜 五錢

僵蠶 三錢炒

牛蒡子 三錢炒

胡麻 五錢

蔓荊子 五錢

蛇退 一錢

蜂窠 五錢炙

龍骨 五錢

天花粉 五錢

甘草 一錢

威靈仙 五錢

右爲末米糊爲丸每日三服忌酒肉鹽味甘七日

十全大補湯

一切症潰後多服生肌長肉益氣滋血

人參

當歸

川芎

白芍藥

白朮

黃芪

茯苓

甘草

生地

熟地

防風

陳皮

乾山藥

知母

黃柏

澤瀉

升麻

金銀花

秋冬天加厚朴蒼朮肉桂

春夏天加麥門冬青

皮黃芩山梔仁黃連

金籬散

黃栢

去粗皮
一斤

川白芨

四斤

芙蓉葉

一斤

紫花地丁

一斤

天花粉

半斤

白斂

半斤

右爲極細末隨瘡癰疽發背每用葱一把搗碎

加蜂蜜少許再搗取汁調勻搽患處四向空中出



毒乾再用餘汁潤之以助藥力蓋葱性能開腠理
善走諸經發散風邪蜜乃百花之精潤肌膚解百
毒與葱相反助諸藥力如葱汁不便夏月用蜜水
冬月用蜜湯

又方

白芨

四兩

雄黃

一兩

榆皮

二兩

黃栢


一兩

射香

一錢

右爲末猪腦研爛調勻搽四向空中出毒乾再易
之

瘰癧痰核圍藥



昆布

一兩去砂石
晒碎碾末

射香

五分

冰片

三分

南星

五錢

末之用好醋薑汁蜜少許調勻搽四向空

孔

再用餘汁潤之

一方加田螺殼煨存性三錢

白

紫芷散 治腎癰 二錢五倍末二錢

紫芷散

治腎癰

紫蘇葉

白芷

官桂

草烏

白芨

黃栢

各三錢

爲末暗醋薑汁葱汁蜜少許和勻火上熬滾調藥

待溫調勻搽四向空中出毒乾再潤之冬天加燒



酒夏天宜用好苦茶洗之

消腫散

白芨

白斂

牙皂

殭蠶

赤豆

五倍

雄黃

各三錢

南星

半夏

大黃

黃柏

草烏

白芷

貝母

山茨菇

芙蓉葉

各五錢

天花粉

牡蠣

各一兩

末之姜汁醃青調敷

奪命散

烏梅

老茄子

經霜

芙蓉葉

青地松



威靈仙

過山龍

馬鞭草

蒼茸草

益母草

俱等分煨

生甘草

草烏

赤小豆

除甘草等三味餘剉細入瓶內鹽泥固濟

性爲末丁瘡飛鹽醋調腦疽背瘡加田螺殼灰皂

角灰加黑背蜒蚰搗爛調鎖口疔瘡搽藥在瘡口

內陽症紅腫猪膽汁蜜調小兒丹毒加青葙花膽

汁調便毒猪腦調

刻效散

發背

黃瓜萋

一枚

白礬

一錢

連皮子煨過爲末醋調敷乳汁尤妙

拔丁圍藥

蒼耳子搗爛加霜梅肉和勻貼瘡上葉梗煨灰

可

刮毒丹

黃栢

天花粉

南星

芍藥

薑黃

蟬退

大黃

右爲末水與酸醋俱不拘

千金烏龍膏

治一切下部濕毒附骨腿癰筋絡無名異症

多年陳小粉

半斤炒黑

白芷

不見火

肉桂

不見火

五倍炒

乾姜炒

桔梗

龜板燉

白芍藥

白斂

威靈仙

蒼朮炒

烏藥

各一兩
不見火

飛鹽

蛤粉

各五錢

白芨大兩

右爲末姜汁葱汁暗醋蜜少許火上熬熱調勻搽

四向空中出毒乾再潤餘汁以助藥力

妙貼止疼散

上部一切腫毒

白芨一兩

乳香五錢

桔梗五錢

紫花地丁

三錢

白斂五錢

末之雞子清如前調敷并潤之

隔皮取膿散